

ԱՐՁԱՆԱԳՐՈՒԹՅՈՒՆ ԹԻՎ 89
«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ ՄԱՍՆԱՃՅՈՒԴԻ
ԳԻՏԱԿԱՆ ԽՈՐՀՐԴԻ ՆԻՍՏԻ
28-ը ապրիլի 2026թ.

Նիստը անցկացվել է հարցման միջոցով, որին մասնակցել են գիտական խորհրդի 35 անդամներից 29-ը:

Գիտական խորհրդի նիստի նախագահն էր ԵՊՀ ԻՄ տնօրեն Մ. Մ. Օթարյանը, նիստի քարտուղարն էր Մ. Ս. Աթոյանը:

Օրակարգում եղել է հետևյալ հարցը.

- «Երևանի պետական համալսարան» հիմնադրամի Իջևանի մասնաճյուղի հայոց պատմության և հասարակագիտության ամբիոնի դասախոս Վլադիմիր Պողոսյանի կողմից ներկայացված «Խորհրդային և հետխորհրդային քաղաքն ու նրա զարգացման հիմնախնդիրները 1950–2020-ական թվականներին (Իջևանի քաղաքավերածման և հետխորհրդային փոխակերպման օրինակով)» թեմայով գիտական նախագծի համապատասխանության և «Հեռավար լաբորատորիաների հիմնադրման ծրագիր - 2026» մրցույթին ներկայացնելու նպատակով երաշխավորման հարցը:

Նախագիծը (հավելված 1) ներկայացվել է գիտական խորհրդի անդամներին նախապես՝ էլեկտրոնային եղանակով, և կազմակերպվել է քվեարկություն հարցման միջոցով:

Հարցի վերաբերյալ առաջարկներ չեն եղել:

Բաց քվեարկությամբ՝ 29 կողմ, 0 դեմ, 0 ձեռնպահ, որոշվեց

ՈՐՈՇՈՒՄ N 89/1

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 12-րդ կետի 2-րդ ենթակետով, 23-րդ կետի 20-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 20-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Համարել «Երևանի պետական համալսարան» հիմնադրամի Իջևանի մասնաճյուղի հայոց պատմության և հասարակագիտության ամբիոնի դասախոս Վլադիմիր Պողոսյանի կողմից ներկայացված «Խորհրդային և հետխորհրդային քաղաքն ու նրա զարգացման հիմնախնդիրները 1950–2020-ական թվականներին (Իջևանի քաղաքավերածման և հետխորհրդային փոխակերպման օրինակով)» թեմայով գիտական նախագիծը (համաձայն հավելվածի) համապատասխան «Երևանի պետական համալսարան» հիմնադրամի Իջևանի մասնաճյուղի գիտական ուղղություններին:
2. Համարել նախագիծը արդիական և գիտականորեն հիմնավորված:
3. Երաշխավորել նշված գիտական նախագծի ներկայացումը «Հեռավար լաբորատորիաների հիմնադրման ծրագիր - 2026» մրցույթին:
4. Սույն որոշումն ուժի մեջ է մտնում ընդունման պահից:

ԳԻՏԱԿԱՆ ԽՈՐՀՐԴԻ ՆԱԽԱԳԱՀ _____ **Մ. Մ. ՕԹԱՐՅԱՆ**

ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ _____ **Մ. Ս. ԱԹՈՅԱՆ**

ԽՈՐՀՐԴԱՅԻՆ ԵՎ ՀԵՏԽՈՐՀՐԴԱՅԻՆ ՔԱՂԱՔՆ ՈՒ ՆՐԱ ԶԱՐԳԱՑՄԱՆ

ՀԻՄՆԱԽՆԴԻՐՆԵՐԸ 1950-2020-ԱԿԱՆ ԹՎԱԿԱՆՆԵՐԻՆ

(ԻԶԵՎԱՆԻ ՔԱՂԱՔԱՎԵՐԱԾՄԱՆ ԵՎ ՀԵՏԽՈՐՀՐԴԱՅԻՆ ՓՈԽԱԿԵՐՊՄԱՆ ՕՐԻՆԱԿՈՎ)

1. Համառոտ բնութագիր

Գիտական հետաքրքրությունը խորհրդային քաղաքային տեքստի ձևավորման, դրա գաղափարական և քաղաքական նպատակների հետազոտության շուրջ վերջին տարիներին զգալիորեն աճել է: Քաղաքային տեքստի և նրա բաղադրիչների սինխրոնիկ համակարգի ձևավորման խորհրդային փորձառությունը մինչ օրս պահպանում է իր ուղղորդիչ նշանակությունը քաղաքաշինության և քաղաքային տարածքի նորմավորման գործընթացներում: Խորհրդային քաղաքաշինության հիմքում դրված էին ոչ միայն արտադրական, արդյունաբերական և առևտրասպասարկման տարածքների համաչափ զարգացման սկզբունքները, այլև քաղաքային միջավայրի ներդաշնակության ապահովումը և «քաղաքացու քաղաքի» գաղափարական կոնցեպտի իրականացումը:

Իջևանը Հայաստանի Հանրապետության այն քաղաքներից է, որի զարգացման վրա միաժամանակ ազդեցություն են ունեցել կայսերական, խորհրդային և հետխորհրդային փուլերը՝ ձևավորելով բազմաշերտ քաղաքային կառուցվածք: Ի տարբերություն խոշոր արդյունաբերական կենտրոնների կամ ստանդարտ պլանավորմամբ ձևավորված քաղաքների, Իջևանը ներկայացնում է համակցված և վերլուծական տեսանկյունից առավել ճկուն մոդել: Այն ձևավորվել է որպես բազմաֆունկցիոնալ քաղաք՝ համադրելով վարչական, արդյունաբերական և սոցիալ-մշակութային գործառույթները համեմատաբար փոքր տարածական մասշտաբում: Հետևաբար, Իջևանի քաղաքային փորձառության ուսումնասիրությունը հնարավորություն է տալիս բացահայտել քաղաքային փոխակերպումների օրինաչափությունները և ստացված արդյունքները համադրելի դարձնել Հայաստանի այլ քաղաքների հետ:

Իջևանի քաղաքային տարածության ուսումնասիրության նպատակահարմարությունը պայմանավորված է նաև հետազոտական խմբի տեղակայմամբ (ԵՊՀ Իջևանի մասնաճյուղ), ինչը հնարավորություն է տալիս ապահովել դաշտային հետազոտությունների արդյունավետ կազմակերպում և գիտական շարունակականություն:

Այս համատեքստում կարևոր է ուսումնասիրել Իջևանի քաղաքային տարածության և միջավայրի ձևավորման ինչպես նախնական, այնպես էլ արդի փուլերը, քանի որ խորհրդային ժամանակաշրջանում ձևավորված մոդելային քաղաքը՝ որպես արդյունաբերական և վարչական կենտրոն, հետխորհրդային շրջանում ենթարկվել է էական իմաստային և ֆունկցիոնալ փոխակերպումների՝ կրելով ինչպես արժեհամակարգային փոփոխությունների, այնպես էլ անկախ պետականության գաղափարական ազդեցությունը:

Որպես հետազոտության օբյեկտ դիտարկվում է խորհրդային և հետխորհրդային Իջևանի քաղաքային տեքստը, իսկ առարկան՝ այդ տեքստի շրջանակներում ձևավորված տնտեսական, հանրային և տարածական միջավայրի առանձնահատկությունների համակողմանի ուսումնասիրությունը:

Ելնելով վերոգրյալից՝ սահմանում ենք հետևյալ հետազոտական հարցը.

Ինչպիսի օրինաչափություններով է ձևավորվել և փոխակերպվել Իջևանի քաղաքային տեքստը խորհրդային և հետխորհրդային ժամանակաշրջաններում, և ինչպե՞ս են այդ փոխակերպումները արտահայտվում քաղաքային տարածքի ֆունկցիոնալ, սոցիալ-տնտեսական և գաղափարական կառուցվածքում:

Հետազոտական նախագծի նպատակն է ուսումնասիրել Իջևանի քաղաքային տեքստի, ստեղծագործական-արդյունաբերական միջավայրի ձևավորման և փոխակերպման խորհրդային և հետխորհրդային ժամանակաշրջաններում՝ բացահայտելով տարածական, սոցիալ-տնտեսական և գաղափարական փոփոխությունների փոխկապակցվածությունը:

2. Հետազոտական խնդրի վերաբերյալ գիտելիքների ներկա վիճակի մասին վերլուծությունը

Քաղաքային տեքստի ձևավորման խորհրդային և հետխորհրդային փորձառությունը այսօր էլ հանդիսանում է հայ և օտարազգի հեղինակների հետազոտական հետաքրքրության տիրույթում¹: Գիտական հետաքրքրությունը խորհրդային քաղաքային տեքստի, դրա գաղափարական և քաղաքական նպատակների շուրջ հատկապես մեծ թափ է ստացել վերջին տարիներին:

Խորհրդային քաղաքաշինության մեջ քաղաքային տեքստի և նրա բաղադրիչների ձևավորման փորձառությունը մինչ օրս պահպանում է իր ուղղորդիչ նշանակությունը քաղաքային տարածության նորմավորման գործընթացում: Սա պայմանավորված է նրանով, որ խորհրդային մոդելում առաջնային էր ոչ միայն արդյունաբերական և առևտրասպասարկման տարածքների զարգացումը, այլև քաղաքային տեքստի ներդաշնակությունը և «քաղաքացու քաղաքի» ձևավորման կոնցեպտը:

Իջևանը որպես նպատակահարմար հետազոտական օբյեկտ. Իջևան հանդիսանում է Հայաստանի այն եզակի քաղաքներից մեկը, որն իր պատմության ընթացքում ուղղակիորեն կրել է կայսերական, խորհրդային և հետխորհրդային գյուղական-քաղաքային փոխակերպումների ազդեցությունը: Այս հանգամանքը թույլ է տալիս քաղաքը դիտարկել որպես քաղաքային տեքստի փոխակերպման «հայկական մոդելի» ձևավորման առանցքային օրինակ:

Վերջին միջգիտակարգային հետազոտությունները փաստում են, որ խորհրդային շրջանի «մոդելային քաղաք-արդյունաբերական-վարչական կենտրոնը» հետխորհրդային

¹ Ավետիսյան Խ., Քաղաքների զարգացումը Սովետական Հայաստանում, ՀՄՄՌ ԳԱ Տեղեկագիր հասարակական գիտությունների, N 11, 1965, 38-52 էջեր; Կոզմոյան Կ., Լենինական, Երևան, 1957, 177 էջ; Կոզմոյան Կ., Կիրովական, Երևան, 1960, 294 էջ; Կոզմոյան Կ., Հրազդան, Երևան, 1986, 136 էջ; Կոզմոյան Կ., Ալավերդի, Երևան, 1966, 226 էջ; Կոզմոյան Կ., Հոկտեմբերյան, Երևան, 1971, 180 էջ; Kopp, Anatole. Town and Revolution: Soviet Architecture and City Planning, 1917–1935. Translated by Thomas E. Burton. New York: George Braziller, 1970; Kotkin, Stephen. Magnetic Mountain: Stalinism as a Civilization. Berkeley: University of California Press, 1995; Harris, Steven Emmett. “Reconstructing Everyday Life: Building, Distributing, Furnishing, and Living in the Separate Apartment in Soviet Russia, 1950s–1960s.” PhD dissertation, University of Chicago, 2003; Boym, Svetlana. Common Places: Mythologies of Everyday Life in Russia. Cambridge, MA: Harvard University Press, 1995; Grant B., The Captive and the Gift: Cultural Histories of Sovereignty in Russia and the Caucasus. Ithaca: Cornell University Press, 2009; Crowley D., Reid S. E. (ed.). Pleasures in Socialism: leisure and luxury in the Eastern Bloc. – Northwestern University Press, 2010; Humphrey C. The unmaking of Soviet life: everyday economies after socialism. – Cornell University Press, 2019.

տարիներին ենթարկվել է խորը փոփոխությունների: Այն իր վրա է կրել արժեհամակարգային տեղաշարժերի և անկախության գաղափարական ազդեցությունը: Հետազոտական դաշտում կարևորվում է հետխորհրդային ժողովրդագրական ճգնաժամի ազդեցությունը քաղաքային ենթակառուցվածքների վրա, ինչպես նաև արդյունաբերական համալիրների կիրառականության անկումն ու տարածքների վերաօգտագործման (re-purposing) խնդիրը:

Թեման խիստ արդիական է, քանի որ քաղաքային տեքստի տեղային դրսևորումների և բովանդակային փոփոխությունների ուսումնասիրությունն ունի թե՛ գիտական, թե՛ հանրային մեծ պահանջարկ: Այստեղ առաջնային է համարվում հանրային գործընթացների փոխազդեցությունը քաղաքային միջավայրի փոխակերպման վրա:

Հետազոտության նորույթը: Ի տարբերություն ընդհանուր քաղաքաշինական հետազոտությունների, սույն նախագիծը առաջարկում է Իջևանի փորձառության տնտեսական, հանրային և քաղաքային միջավայրի առանձնահատկությունների դետալային և միջգիտակարգային հետազոտություն: Այն համադրում է պատմագիտական նյութերը ժամանակակից հասարակական գիտությունների գիտաչափական նորմերի հետ:

3. Օրագրի նպատակները և խնդիրները

Հետազոտական նախագծի **նպատակն** է համակողմանիորեն, պատմագիտական և միջգիտակարգային հետազոտական նյութերի համադրությամբ ուսումնասիրել խորհրդային և հետխորհրդային Իջևանի **ստեղծագործական արդյունաբերական** միջավայրի՝ քաղաքային տարածության ձևավորման և փոխակերպման առանձնահատկությունները:

Այս նպատակին հասնելու համար դրվել են հետևյալ խնդիրները.

- **Բացահայտել** Իջևանի քաղաքային տարածության և ենթակառուցվածքների ձևավորման, տարածական համաչափության հիմնական առանձնահատկությունները:

- **Հետազոտել** քաղաքային արդյունաբերականացման հիմնական միտումներն ու բնակչության մասնագիտական պատրաստումն արդյունաբերական գործունեությանը:

- **Կարևորել** քաղաքային բնակչության կրթական, մասնագիտական փոխակերպումը և նրանց գործունեության ստանդարտացումը ստեղծագործական արդյունաբերական միջավայրին:

- **Ցույց տալ** արդյունաբերականացման խնդիրների լուծման խորհրդային փորձառությունը, արդյունաբերական համալիրների աշխատանքի արդյունավետությունն ու ազդեցությունը քաղաքային տարածության և հանրային միջավայրի վրա:

- **Ուսումնասիրել** հետխորհրդային Իջևանի քաղաքային տարածքի և արդյունաբերական համալիրների փոխակերպման և այլացման հիմնական միտումները՝ շեշտը դնելով հանրային և արդյունաբերական տարածքի իմաստային, բովանդակային և կիրառականության այլացման վրա:

4. Հետազոտական նախագիծը

Իջևանի քաղաքային միջավայրի ձևավորումը խորհրդային տարիներին չէր սահմանափակվում սոսկ շինությունների կառուցմամբ: Այն դիտարկվում էր որպես

«քաղաքային տեքստի» ստեղծում, որտեղ յուրաքանչյուր ենթակառուցվածք ուներ իր սիմվոլիկ և ֆունկցիոնալ դերը: Նախագիծը կուսումնասիրի, թե ինչպես է իրականացվել արտադրական, բնակելի և հանրային տարածքների համաչափ զարգացումը: Առանձնահատուկ ուշադրություն կդարձվի «քաղաքացու քաղաքի» կոնցեպտին, որտեղ ներդաշնակությունը դիտարկվում էր որպես սոցիալիստական կենցաղի պարտադիր պայման: Ճարտարապետի ներգրավմամբ կվերականգնվեն այն գծագրական մոդելները, որոնք ցույց են տալիս քաղաքի տարածական նորմավորման սկզբունքները:

Արդյունաբերական միջավայրը որպես ստեղծագործական տարածք. Իջևանի արդյունաբերականացումը (գորգագործություն, բենտոնիտի արտադրություն և այլն) դիտարկվում է ոչ միայն տնտեսական, այլև մշակութային տեսանկյունից: Հետազոտությունը կվերլուծի բնակչության մասնագիտական պատրաստման և ստանդարտացման գործընթացը, որը նպատակ ուներ մարդուն ինտեգրել «ստեղծագործական արդյունաբերական միջավայրին»: Սա թույլ կտա հասկանալ, թե ինչպես էր խորհրդային համակարգը ձևավորում քաղաքային նոր ինքնություն՝ հիմնված աշխատանքի և ստեղծարարության համադրության վրա:

Հետխորհրդային փոխակերպում և իմաստային այլացում: Անկախության շրջանում Իջևանի քաղաքային մոդելը ենթարկվել է լուրջ իմաստային և ֆունկցիոնալ փոփոխությունների: Նախագծի այս մասը կկենտրոնանա արդյունաբերական հսկաների կիրառականության անկման և դրանց տարածքների «այլացման» վրա: Կուսումնասիրվեն արժեհամակարգային փոփոխությունները, որոնք հանգեցրել են քաղաքային ենթակառուցվածքների նորովի ընկալմանը կամ դրանց դեգրադացիային: Ժողովրդագրական ճգնաժամի համապատկերում կկատարվեն կանխատեսումներ քաղաքի հետագա զարգացման վերաբերյալ:

5. Առկա նյութատեխնիկական ռեսուրսները: Գիտական մեթոդները

Այս հետազոտությունը հիմնված է **միջգիտակարգային սինթեզի** վրա, որտեղ դասական պատմագիտական մեթոդները համադրվում են ճարտարապետական վիզուալիզացիայի և սոցիալ-մշակութային անտրոպոլոգիայի գործիքակազմի հետ:

Նախագծի մեթոդաբանությունը կառուցված է **միջգիտակարգային կոնվերգենցիայի** սկզբունքով, որը թույլ է տալիս քաղաքային միջավայրը դիտարկել որպես բարդ, բազմաշերտ համակարգ: Մեթոդաբանության առանցքը քաղաքը որպես **նշանային համակարգ (Urban Semiotics)** ընկալելն է: Սա թույլ է տալիս հետազոտել ոչ միայն շենքերի ֆիզիկական առկայությունը, այլև դրանց մեջ դրված գաղափարախոսական կոդերը: Իջևանի ճարտարապետական լուծումները կվերլուծվեն որպես խորհրդային «մոդելային քաղաքի» պատում (narrative), որտեղ գործարանային շենքերը, քանդակների այգին և բնակելի թաղամասերը փոխկապակցված տեքստի մասեր են:

Նախագծի իրականացման ընթացքում կիրառվելու են ժամանակակից արհեստական բանականության կողմից առաջարկվող նորարարություններն ու հնարավորությունները: Ճարտարապետի ներգրավմամբ կկիրառվի **հակադարձ նախագծման (Reverse Engineering)**

մեթոդը: Արխիվային 2D հատակագծերի հիման վրա կատեղծվեն 3D վիզուալիզացիաներ, որոնք թույլ կտան գիտականորեն ճշգրիտ վերականգնել քաղաքի սինխրոնիկ տեսքը 1960-70-ական թթ. և համադրել այն այսօրվա դեգրադացված կամ փոխակերպված վիճակի հետ:

Պետք է նշել, որ Իջևանի փորձառությունը կհամադրվի հետխորհրդային այլ «միջնակարգ քաղաքների» (secondary cities) տրանսֆորմացիոն մոդելների հետ (օրինակ՝ Արևելյան Եվրոպայի կամ Միջին Ասիայի նմանատիպ քաղաքների): Սա թույլ կտա ձևակերպել քաղաքային տեքստի փոխակերպման **«հայկական մոդելը»**:

Այս համակցված մեթոդաբանությունը թույլ է տալիս նախագիծը ներկայացնել որպես **Digital Humanities (Թվային հումանիտար գիտություններ)** ոլորտի առաջամարտիկ փորձ Հայաստանում: Այն ոչ միայն արձանագրում է պատմությունը, այլև ստեղծում է քաղաքի զարգացման **կանխատեսելի մոդելներ**՝ հիմնված պատմական և տարածական տվյալների վրա:

Հետազոտության մեջ կիրառվելու են հետևյալ առանցքային մեթոդները, որոնք ապահովում են արդյունքների հավաստիությունն ու համադրելիությունը միջազգային չափանիշներին.

- Սինխրոնիկ և դիախրոնիկ վերլուծություն (Synchronous and Diachronic Analysis): Թույլ կտա ուսումնասիրել Իջևանի քաղաքային տեքստը և՛ որոշակի ժամանակային կտրվածքում (օրինակ՝ 1960-ականների արդյունաբերական վերելքի փուլում), և՛ ժամանակային դինամիկայի մեջ (անցումը կայսերականից խորհրդային և հետխորհրդային շրջափուլերի):
- Քաղաքային հնագիտություն և իմաստային տեքստի վերլուծություն (Urban Semiotics): Քաղաքը դիտարկվում է որպես «կենդանի տեքստ»: Մեթոդը կիրառվում է բացահայտելու համար ճարտարապետական ձևերի և գաղափարական բովանդակության միջև կապը, հատկապես «ստեղծագործական արդյունաբերական միջավայրի» համատեքստում:
- Բանավոր պատմության մեթոդ (Oral History): Իրականացվելու են խորքային հարցազրույցներ Իջևանի նախկին արդյունաբերական հսկաների (գորգագործական, բենտոնիտի գործարաններ) աշխատակիցների հետ՝ վեր հանելու համար «մարդկային կապիտալի» ստանդարտացման և սոցիալական ինքնության փոխակերպման անտեսանելի շերտերը:
- Ճարտարապետական վերակազմության մեթոդ (Architectural Reconstruction): Սա նախագծի ուժեղ կողմն է: Ճարտարապետի ներգրավմամբ, արխիվային հատակագծերի հիման վրա, կիրառվելու է 3D մոդելավորում՝ վերականգնելու համար կորսված կամ ձևափոխված քաղաքային տարածությունները:

Նախագծի իրականացման համար ԵՊՀ Իջևանի մասնաճյուղը տրամադրում է ժամանակակից լաբորատոր ենթակառուցվածք, որը ներառում է.

- **Թվային լաբորատորիա** (Digital Research Hub): Հազեցած բարձր արտադրողականությամբ համակարգիչներով, որոնք անհրաժեշտ են ծավալուն գծագրական աշխատանքների, GIS (Աշխարհագրական տեղեկատվական

համակարգեր) քարտեզագրման և ճարտարապետական վիզուալիզացիայի ծրագրային փաթեթների (AutoCAD, Revit, 3ds Max) համար:

- **Արխիվային հասանելիություն և տվյալների բազաներ:** Պայմանավորվածություններ ՀՀ Ազգային արխիվի և Իջևանի տեղական կառույցների հետ՝ բացառիկ նյութերի, քաղաքաշինական պլանների և լուսանկարչական վավերագրերի ուսումնասիրման համար:
- **Դաշտային հետազոտական սարքավորումներ:** Բարձրակարգ թվային ձայնագրիչներ հարցազրույցների համար, ինչպես նաև գեոդեզիական և չափագրական գործիքներ (լազերային հեռաչափեր, դրոններ)՝ քաղաքային միջավայրի ճշգրիտ ֆոտոգրամետրիա իրականացնելու համար:

6. Օրացուցային պլան

Հաշվետու ժամանակահատված	Նախատեսվող աշխատանքներ
1.1 առաջին եռամսյակ	<ol style="list-style-type: none"> 1. Նախապատրաստական աշխատանքներ՝ հետազոտության աղբյուրագիտական և կառուցվածքային մշակում: 2. Կատարել հետազոտական աշխատանք՝ առանձնացնելով առաջնային և երկրորդային սկզբնաղբյուրները, արխիվային նյութերն ու մամուլի հոդվածները, աշխատանքի տանել թեմայի տեսական շրջանակի և հետազոտական գրականության ուսումնասիրության շուրջ: 3. Կահավորել լաբորատորիան անհրաժեշտ տեխնիկական նյութերով՝ ծրագրային փաթեթներով, համակարգիչներ և ձայնագրման տեխնիկական միջոցներ: 4. Պատրաստել մինի ձայնագրման ստուդիա, որտեղ պետք է պատրաստվեն ռիլեր և տարաբնույթ տեսանյութեր՝ նախատեսված հետազոտական խմբի արդյունքների հանրայնացման համար: 5. Արդյունքների հանրայնացման գիտամատչելի տարբերակների ստեղծում (սոցկայքերում փոստեր, ռիլեր և այլն) և հանրային բանախոսության կազմակերպում՝ նախատեսված 50 անձի համար:
1.2 երկրորդ եռամսյակ	<ol style="list-style-type: none"> 1. Կատարել հետազոտական աշխատանք՝ առանձնացնելով առաջնային և երկրորդային սկզբնաղբյուրները, արխիվային նյութերն ու մամուլի հոդվածները: 2. Դաշտային հետազոտությունների կազմակերպում, շրջայցեր թաղամասեր, նախկին արդյունաբերական տարածքներ, լուսանկարների համեմատական վերլուծություն: 3. Այս փուլի արդյունքներն ամփոփել և պատրաստել գիտական զեկուցում-հոդված, ներկայացնել տպագրության ԲՈՒԿ-ի կողմից երաշխավորված ամսագրերից մեկում: 4. Մասնակցել միջազգային գիտաժողովի՝ Իջևանի քաղաքային տարածության ձևավորման առանձնահատկությունների շուրջ ընտրված թեմայով: 5. Կազմել հաշվետվություն, հանդես գալ հանրային բանախոսությամբ, որին կմասնակցեն թվով 40 համալսարանականներ: Արդյունքները կներկայացվեն մամուլի միջոցներով՝ տեղական ՏՎ-ով և համալսարանական կայքէջերով:

<p>1.3 երրորդ եռամսյակ</p>	<ol style="list-style-type: none"> 1. Գիտական և արխիվային նյութերի ուսումնասիրության շարունակություն: 2. Դաշտային հետազոտությունների իրականացում, խոր հարցազրույցների (թվով 20 քաղաքաբնակի հետ) անցկացում: 3. Իջևանի քաղաքային տարածության և ենթակառուցվածքների ձևավորման, տարածական համաչափության հիմնական առանձնահատկությունների տիպաբանական դասակարգում, համեմատություն Խորհրդային Հայաստանի քաղաքային այլ փորձառությունների հետ: 4. Եռամսյակային հաշվետվության կազմում, արդյունքների հանրայնացումը: 5. Մասնակցություն միջազգային գիտաժողովի:
<p>1.4 չորրորդ եռամսյակ</p>	<ol style="list-style-type: none"> 1. Գիտական և արխիվային նյութերի ուսումնասիրության շարունակություն: 2. Դաշտային հետազոտությունների իրականացում, խոր հարցազրույցների (թվով 30 քաղաքաբնակի հետ) անցկացում: 3. Հետազոտել քաղաքային արդյունաբերականացման հիմնական միտումներն ու բնակչության մասնագիտական պատրաստումն արդյունաբերական գործունեությանը, նմանություններն ու տարբերությունները քաղաքային այլ միջավայրերի համեմատությամբ: 4. Բնակչության ներսում այլեթնիկ խմբերի ներկայացուցիչների գործունեությունը, մասնագիտական ուղղվածությունը և ազդեցությունները քաղաքային միջավայրի ձևավորման վրա: 5. Տարեկան հաշվետվության կազմում, մասնակցություն միջազգային գիտաժողովի, գիտական հոդվածի ներկայացում ԲՈԿ ամսագրերից որևէ մեկին:
<p>2.1 առաջին եռամսյակ</p>	<ol style="list-style-type: none"> 1. Արխիվային նյութերի ուսումնասիրության շարունակականության ապահովում: 2. Հետազոտել Իջևանի քաղաքային բնակչության կրթական, մասնագիտական փոխակերպումը, այլ բնակավայրերից արդյունաբերական համալիրների աշխատակազմերի համալրման առաջնահարթությունները, նորահաստատ քաղաքային բնակչության ազդեցությունը քաղաքային միջավայրի գաղափարական ստանդարտացման վրա: 3. Բացահայտել քաղաքային բնակչության գործունեության ստանդարտացումը ստեղծագործական արդյունաբերական միջավայրին, դրան նպաստող և կանխարգելող հանգամանքները: 4. Հրապարակային դասախոսությունների կազմակերպում քաղաքային ինքնակառավարման մարմնի և նրան ենթակա համայնքային կառույցների աշխատակիցների համար (թվով 120 համայնքային աշխատակիցների մասնակցությամբ): 5. Եռամսյակային հաշվետվության ներկայացում, հոդվածի ներկայացում ՄԳՇ ամսագրում:

<p>2.2 երկրորդ եռամսյակ</p>	<ol style="list-style-type: none"> 1. Աշխատանքի շարունակականություն արխիվային նյութի հետ: Իջևանի քաղաքապետարանի և տեղական արխիվների մշակում: 2. Աշխատանքի հարցազրույցների նյութերի գիտահետազոտության, քաղաքաբնականների փորձառությունների և հուշերի գիտական կիրառականության շուրջ: 3. Ուսումնասիրել ստեղծագործական արդյունաբերության դրսևորումները այլեթնիկ միջավայրերում: 4. Հետազոտել Խորհրդային այլ քաղաքային միջավայրերի ձևավորման, կայացման և փոխակերպման առանձնահատկությունները և պրոեկտել հայկական մոդելի վրա: 5. Եռամսյակային հաշվետվության ներկայացում, մասնակցություն միջազգային գիտաժողովի:
<p>2.3 երրորդ եռամսյակ</p>	<ol style="list-style-type: none"> 1. Քաղաքաշինական հատակագծերի, լուսանկարների թվայնացում, տվյալների բազայի ստեղծում: 2. Դաշտային աշխատանքների շարունակում, հարցվողների նույնականացում: 3. Ուսումնասիրել Իջևանի բնակչության ժողովրդագրական շարժերը, արդյունաբերականացման ազդեցությունը բնակչության աճի վրա: 4. Եռամսյակային հաշվետվության կազմում, հանրամատչելի նյութերի հրապարակում: Ստեղծված տեղեկավարական նյութի շուրջ հրապարակային բանախոսության կազմակերպում Տավուշ ՏՎ-ի հետ: 5. Աշխատանքներ նոր հոդվածի շուրջ:
<p>2.4 չորրորդ եռամսյակ</p>	<ol style="list-style-type: none"> 1. Քաղաքաշինական հատակագծերի, լուսանկարների թվայնացում, տվյալների բազայի ստեղծում: 2. Դաշտային աշխատանքների շարունակում, հարցվողների նույնականացում: 3. Իջևանի քաղաքային տարածության խնդիրների շուրջ խորհրդային շրջանի բնակչության կլոր-սեղան քննարկման կազմակերպում՝ նախատեսելով երեք բանախոսություն և քննարկում: 30 քաղաքաբնակի մասնակցություն: 4. Տարեկան հաշվետվության կազմակերպում, ներկայացում: 5. ՄԳՇ հոդվածի ուղարկում՝ հրատարակչություն:
<p>3.1 առաջին եռամսյակ</p>	<ol style="list-style-type: none"> 1. Խորքային հարցազրույցների անցկացում (≥ 40 հոգի): 2. 1960-70-ականների հատակագծերի հակադարձ նախագծում: 3. Ուսումնասիրել արդյունաբերականացման ուղղակի ազդեցությունը քաղաքաշինության և քաղաքային պլանավորման վրա: 4. Մասնակցել միջազգային գիտաժողովի, ինչպես նաև արդյունքների, փոքրածավալ հոդվածի ներկայացում ԲՈՒԿ ամսագրերից մեկում: 5. Աշխատանքներ ՄԳՇ հերթական հոդվածի վրա, արդյունքների հրապարակում սոցկայքերում և այլ տեղեկատվական միջոցներով:

<p>3.2 Երկրորդ եռամսյակ</p>	<ol style="list-style-type: none"> 1. Խորքային հարցազրույցների նյութի ուսումնասիրություն: 2. 3D վիզուալիզացիաների ստեղծում (AutoCAD, Revit, 3ds Max): 3. Ուսումնասիրել արդյունաբերական համալիրների աշխատանքի արդյունավետությունը, աշխատակիցների մասնագիտական և մշակութային կարողությունների զարգացման ուղղված քայլերը: 4. Աշխատանքներ ՄԳՇ հերթական հոդվածի վրա, արդյունքների հրապարակում սոցկայքերում և այլ տեղեկատվական միջոցներով: 5. Եռամսյակային հաշվետվության կազմում:
<p>3.3 Երրորդ եռամսյակ</p>	<ol style="list-style-type: none"> 1. Խորքային հարցազրույցների նյութի ուսումնասիրություն: 2. 3D վիզուալիզացիաների ստեղծում (AutoCAD, Revit, 3ds Max): 3. Ուսումնասիրել արդյունաբերականացման ազդեցությունը քաղաքաշինական պլանավորման վրա՝ ըստ տասնամյակների: 4. Աշխատանքներ ՄԳՇ հերթական հոդվածի վրա, արդյունքների հրապարակում սոցկայքերում և այլ տեղեկատվական միջոցներով: 5. Եռամսյակային հաշվետվության կազմում:
<p>3.4 Չորրորդ եռամսյակ</p>	<ol style="list-style-type: none"> 1. 3D վիզուալիզացիաների ստեղծում (AutoCAD, Revit, 3ds Max): 2. Առանձնացնել քաղաքային հանրային տարածքի ձևավորման իջևանյան առանձնահատկությունները, դասակարգել և համեմատել այլ քաղաքային փորձառությունների հետ: 3. ՄԳՇ հոդվածի ներկայացում խմբագրություն: 4. Եռամսյակային հաշվետվության ձևավորում, համակարգում, քանակական և որակական արդյունքների ստանդարտավորում:
<p>4.1 առաջին եռամսյակ</p>	<ol style="list-style-type: none"> 1. 3D վիզուալիզացիաների ստեղծում (AutoCAD, Revit, 3ds Max) 2. GIS քարտեզագրում (փոփոխությունների տարածական շերտեր): 3. Հետազոտել հետխորհրդային քաղաքային տարածության փոխակերպման իջևանյան մոդելը, առանձնացնել առանձնահատկությունները: 4. Հերթական ՄԳՇ հոդվածի վրա աշխատանք: 5. Եռամսյակային հաշվետվության կազմում, մասնակցությունը միջազգային գիտաժողովի:
<p>4.2 Երկրորդ եռամսյակ</p>	<ol style="list-style-type: none"> 1. GIS քարտեզագրում (փոփոխությունների տարածական շերտեր): 2. Ուսումնասիրել հետխորհրդային շրջանում իջևանի արդյունաբերական և հանրային տարածությունների վերաօգտագործման խնդիրները: 3. Իջևանի փորձառությունը համեմատել Արևելյան Եվրոպայի նմանատիպ քաղաքների հետ, առանձնացնել նույնություններն ու տարբերությունները: 4. Հերթական ՄԳՇ հոդվածի վրա աշխատանք: 5. Եռամսյակային հաշվետվության կազմում, մասնակցությունը միջազգային գիտաժողովի:

<p>4.3 երրորդ եռամսյակ</p>	<ol style="list-style-type: none"> 1. GIS քարտեզագրում (փոփոխությունների տարածական շերտեր): 2. Արդյունաբերական տարածքների վերաօգտագործման խնդրի ուսումնասիրություն այլ երկրների օրինակով: 3. Իջևանի փորձառությունը համեմատել Վրաստանի նմանատիպ քաղաքների հետ: 4. Հերթական ՄԳՇ հողվածի ներկայացում խմբագրություն: 5. Եռամսյակային հաշվետվության կազմում:
<p>4.4 չորրորդ եռամսյակ</p>	<ol style="list-style-type: none"> 1. GIS քարտեզագրում (փոփոխությունների տարածական շերտեր): 2. Ֆոտոգրամետրիա դրոններով (ներկա վիճակի փաստագրում): 3. Համեմատական վերլուծության ենթարկել Արևելյան Եվրոպայի, Վրաստանի և ՀՀ քաղաքների խորհրդային և հետխորհրդային փոխակերպման հիմնական միտումները: 4. Քաղաքային միջավայրի ձևավորման և փոխակերպման Հայկական մոդելի տեսական հիմքերի ուսումնասիրություն: 5. ՄԳՇ հերթական հողվածի ներկայացում խմբագրություն, եռամսյակային հաշվետվության ներկայացում:
<p>5.1 առաջին եռամսյակ</p>	<ol style="list-style-type: none"> 1. Ֆոտոգրամետրիա դրոններով (ներկա վիճակի փաստագրում): 2. Համեմատական վերլուծության ենթարկել Արևելյան Եվրոպայի, Վրաստանի և ՀՀ քաղաքների խորհրդային և հետխորհրդային փոխակերպման հիմնական միտումները: 3. Ուսումնասիրել հետխորհրդային շրջանում ազգային գաղափարախոսությունների ազդեցությունը հանրային տարածքների, կրոնաժեսակային համալիրների փոխակերպման և վերօգտագործման վրա: 4. Եռամսյակային հաշվետվության ձևավորում:
<p>5.2 երկրորդ եռամսյակ</p>	<ol style="list-style-type: none"> 1. Ուսումնասիրել հետխորհրդային շրջանում ազգային գաղափարախոսությունների ազդեցությունը քաղաքային հուշարձանների փոխակերպման և վերօգտագործման վրա: 2. Կատարված հետազոտությունների ամբողջացում մենագրության տեսքով: 3. Միջազգային գիտաժողովի կազմակերպում Իջևանում: 4. ՄԳՇ հերթական հողվածի ներկայացում խմբագրություն, եռամսյակային հաշվետվության ներկայացում: 5. Միջազգային դրամաշնորհային ծրագրի հայտնի ներկայացում:
<p>5.3 երրորդ եռամսյակ</p>	<ol style="list-style-type: none"> 1. Ամբողջացնել ճարտարապետական և քաղաքատարածական հետազոտությունների արդյունքները: 2. Արդյունքների ներկայացում սոցկայքերի, ռիլերի և հեռուստատեսության միջոցով: 3. Կատարված հետազոտությունների ամբողջացում մենագրության տեսքով և տպագրություն: 4. Ուսումնասիրության համար ներքին արխիվի ձևավորում՝ հետազոտական խմբի ուսումնասիրությունների շարունակականությունն ապահովելու համար: 5. Եռամսյակային հաշվետվության ներկայացում:

5.4 չորրորդ եռամսյակ	<ol style="list-style-type: none"> 1. Ամբողջացնել ճարտարապետական և քաղաքատարածական հետազոտությունների արդյունքները: 2. Արդյունքների ներկայացում սոցկայքերի, ռիլերի և հեռուստատեսության միջոցով: 3. Մենագրության շնորհանդեսի կազմակերպում Երևանում և Իջևանում: 4. Մենագրության թարգմանություն և հրատարակություն: 5. Անփոփիչ հաշվետվության կազմում և ներկայացում:
----------------------	--

7. Խմբի ձեռքբերումները տվյալ ոլորտում, օտարերկրյա գործընկերոջ համապատասխանությունը Նախագծի նպատակներին

Խմբի ղեկավար Միխայիլ Իլչենկոն ուսանել է սոցիոլոգիա և քաղաքագիտություն Եկատերինբուրգի Ուրալի դաշնային համալսարանում: 2011 թվականին ստացել է դոկտորի կոչում Եկատերինբուրգի Ռուսաստանի գիտությունների ակադեմիայի փիլիսոփայության և իրավունքի ինստիտուտից և ավելի ուշ աշխատել է այնտեղ որպես հետազոտող և ավագ գիտաշխատող: Միխայիլ Իլչենկոն աշխատում է հասարակական գիտությունների և մշակութային ուսումնասիրությունների ոլորտում և հետազոտություններ է իրականացրել մոդեռնիստական քաղաքային ժառանգության վերաբերյալ Լեհաստանում, Ուկրաինայում, Ռուսաստանում, Չեխիայում, Իսրայելում, Ֆրանսիայում, Գերմանիայում և այլուր: Նա ներգրավված է մի շարք միջազգային ակադեմիական և կրթական նախագծերում, որոնք ուսումնասիրում են Արևելյան Եվրոպայի և նախկին ԽՍՀՄ երկրների մոդեռնիստական քաղաքային տարածքների փոփոխվող ընկալումներն ու գործառույթները:

Խմբի համադրված Վլադիմիր Պոդոսյանը շուրջ հինգ տարի զբաղվում է Իջևանի քաղաքային տարածության ձևավորման, փոխակերպման բազմազան խնդիրների ուսումնասիրությամբ: Այդ ուղղությամբ ղեկավարել է երկու ծրագիր՝ «Իջևանի հասարակական-մշակութային կյանքը առօրեականության համատեքստում 1920-1970-ական թվականներին» և EU4Culture /ICDS/CHSG-05 «Զարթոնք Իջևանի» դրամաշնորհային ծրագրերը, հրատարակել գիտական հոդվածներ, իրականացրել հանրային բանախոսություններ և դասախոսություններ:

8. Խմբի զարգացման հեռանկարները (ռիսկերը և հնարավորությունները)

Այս պահին խմբի անդամները շարունակում են իրենց հետազոտական աշխատանքներ իրականացնել գիտական տարբեր հիմնախնդիրների լուսաբանման ու ուսումնասիրության շուրջ, իրականացնում են դասախոսական աշխատանք: Խումբն ապագայում նախատեսում է ձևավորել տարածաշրջանային հետազոտության կենտրոն-ինստիտուտ, որտեղ կիրականացվեն տարածաշրջանային հիմնախնդիրների ուսումնասիրություն, կոնֆերանսներ, իսկ արդյունքները հրապարակել գիտական հոդվածների և կոլեկտիվ մենագրությունների տեսքով: Հատկապես կարևորում են քաղաքային միջավայրի ձևավորման և առօրեական գործընթացների հետազոտությունը, մի ուղղություն, որ կարիք ունի հետազոտության և նորովի մեկնության:

Միակ ռիսկը ժամանակացույցի հստակ պահպանումից շեղումն ու հրատարակության գործընթացի երկարումն է, որի ընթացքում հնարավոր է գիտական հոդվածի տպագրությունը հետաձգվի: Այլ ռիսկեր չենք կանխատեսում և հանձնառու ենք պատշաճ, ժամամանակին հետագոտական ծրագրի իրականացմանը:

9. Ակնկալվող արդյունքների քանակական և որակական ցուցանիշները

Նախագծի իրականացման 60 ամիսների ընթացքում ակնկալվում է հասնել հետևյալ քանակական ցուցանիշներին. հրատարակել առնվազն 5 գիտական հոդված ՄԳՇ-ում (Scopus/WoS Core Collection), որոնցից 2-ը՝ Q1, 2-ը՝ Q2 քառորդներում, ինչպես նաև 2 հոդված ԲՈԿ-ի երաշխավորված ամսագրերում: Լրացուցիչ կհրատարակվի 1 գիտական մենագրություն (հայերեն և անգլերեն թարգմանությամբ): Կներկայացվի առնվազն 1 միջազգային դրամաշնորհի հայտ:

Դաշտային աշխատանքների շրջանակում կանցկացվեն առնվազն 40 խորքային հարցազրույցներ, կթվայնացվեն ավելի քան 100 քաղաքաշինական հատակագծեր և լուսանկարներ: Կստեղծվեն առնվազն 10 3D վիզուալիզացիաներ (AutoCAD, Revit, 3ds Max) և 5 GIS քարտեզներ, կիրականացվի դրոնային ֆոտոգրամետրիա՝ առնվազն 50 օբյեկտի ընդգրկմամբ: Նախատեսվում է մասնակցություն 8 միջազգային գիտաժողովների, 1 միջազգային գիտաժողովի կազմակերպում Իջևանում, 4 հանրային բանախոսություն (ընդհանուր 260 ունկնդիր), 1 կլոր-սեղան քննարկում (30 մասնակից) և մենագրության շնորհանդեսի կազմակերպում Երևանում և Իջևանում:

Որակական առումով նախագիծն առանձնանում է գիտական նորույթով (առաջին համակողմանի ուսումնասիրությունը խորհրդային և հետխորհրդային քաղաքային տեքստի փոխակերպման «հայկական մոդելի» ձևակերպմամբ), միջգիտակարգային ինտեգրմամբ (պատմություն, ճարտարապետություն, GIS, բանավոր պատմություն): Այն նպաստելու է խմբի որակական կողմերի զարգացմանը, միջազգային համագործակցությանը և գիտական հաղորդակցություն ընդլայնմանը՝ ապագայում նպաստելով գիտական խմբի շուրջ նոր կենտրոն-ինստիտուտի ձևավորմանը:

10. Օգտագործված գրականության ցանկը

1. ՀՀ Ազգային արխիվի Իջևանին վերաբերող ֆոնդեր:
2. ՀՀ Ազգային արխիվի Վանաձորի մասնաճյուղի Իջևանին վերաբերող ֆոնդեր:
3. Իջևանում հրատարակված թերթերի (Իջևանի կոլտնտեսական, Լենինյան ուղիով, Իջևան) համարներ մատենագիտական ուսումնասիրություն:
4. Ավետիսյան Խ., Քաղաքների զարգացումը Սովետական Հայաստանում, ՀՍՍՌ ԳԱ Տեղեկագիր հասարակական գիտությունների, N 11, 1965, 38-52 էջեր:
5. Կոզմոյան Կ., Լենինական, Երևան, 1957, 177 էջ:
6. Կոզմոյան Կ., Կիրովական, Երևան, 1960, 294 էջ:
7. Կոզմոյան Կ., Հրազդան, Երևան, 1986, 136 էջ:
8. Կոզմոյան Կ., Ալավերդի, Երևան, 1966, 226 էջ:
9. Կոզմոյան Կ., Հոկտեմբերյան, Երևան, 1971, 180 էջ:
10. Պողոսյան Վ., Քաղաքային տարածության փոխակերպումները ժամանակակից Իջևանի օրինակով //History and Culture, 2024, T. 21, №. 2. 338-352 էջեր:
11. Պողոսյան Վլադիմիր, Տավուշի մարզի բնակչության ժողովրդագրական իրավիճակը և բնական աճի միտումները, Վանաձորի պետական համալսարանի գիտական տեղեկագիր, Պրակ Ա., 2022, 382-392 էջեր:
12. Պողոսյան Վ., Մկրտումյան Ա., Իջևանի ժողովրդագրական պատկերը 1920-1930-ական թվականներին, Աստվածաբանական և կրոնագիտական հոդվածների ժողովածու – 2022 (Ը), 257-271 էջեր:
13. Kopp, Anatole. Town and Revolution: Soviet Architecture and City Planning, 1917–1935. Translated by Thomas E. Burton. New York: George Braziller, 1970.
14. Kotkin, Stephen. Magnetic Mountain: Stalinism as a Civilization. Berkeley: University of California Press, 1995.
15. Harris, Steven Emmett. “Reconstructing Everyday Life: Building, Distributing, Furnishing, and Living in the Separate Apartment in Soviet Russia, 1950s–1960s.” PhD dissertation, University of Chicago, 2003.
16. Boym, Svetlana. Common Places: Mythologies of Everyday Life in Russia. Cambridge, MA: Harvard University Press, 1995.
17. Grant B., The Captive and the Gift: Cultural Histories of Sovereignty in Russia and the Caucasus. Ithaca: Cornell University Press, 2009.
18. Crowley D., Reid S. E. (ed.). Pleasures in Socialism: leisure and luxury in the Eastern Bloc. – Northwestern University Press, 2010.
19. Humphrey C. The unmaking of Soviet life: everyday economies after socialism. – Cornell University Press, 2019.
20. Аванесов С. С. 2018, Сакральная топика русского города. Собор и ворота // ПРАΞΗΜΑ. Проблемы визуальной семиотики, № 1 (14), стр. 70-92.
21. Аванесов С. С., Федотова Н. Г. 2022, Город: в поисках идентичности / С. С. Аванесов, Н. Г. Федотова. СПб.: Алетейя, 408 стр.
22. Лотман Ю. М. 2000, Семиосфера. С.-Петербург: «Искусство-СПБ», 704 стр.
23. Лотман Ю. М. 1984. Символика Петербурга и проблемы семиотики города // Ученые записки Тартуского государственного университета. Вып. 664. Тарту, стр. 30-45.
24. Иконников А. В. 2006, Пространство и форма в архитектуре и градостроительстве. Москва, 352 стр.